



АКАФИСТ
ПРЕСВЯТОЙ БОГОРОДИЦЕ
В ЧЕСТЬ ИКОНЫ ЕЕ
"НЕЧАЯННАЯ
РАДОСТЬ"



Сборник

Акафист Пресвятой
Богородице в честь иконы
Ее «Нечаянная Радость»

«Благовест»

2013

Сборник

Акафист Пресвятой Богородице в честь иконы Ее «Нечаянная Радость» / Сборник — «Благовест», 2013

К иконе Божией Матери «Нечаянная Радость» прибегают с надеждой на Её бесконечное милосердие ко всем вступившим на путь покаяния. Особенно действенны молитвы, приносимые перед этим образом родителями, чьи дети ведут порочный образ жизни. Скорая Послушательница наших молений помогает переосмыслить жизнь и задуматься о своей душе.

© Сборник, 2013

© Благовест, 2013

Содержание

Кондак 1	6
Икос 1	7
Кондак 2	8
Икос 2	9
Кондак 3	10
Икос 3	11
Кондак 4	12
Икос 4	13
Кондак 5	14
Икос 5	15
Кондак 6	16
Икос 6	17
Кондак 7	18
Икос 7	19
Кондак 8	20
Икос 8	21
Кондак 9	22
Икос 9	23
Кондак 10	24
Икос 10	25
Кондак 11	26
Икос 11	27
Кондак 12	28
Икос 12	29
Кондак 13	30
Икос 1	31
Кондак 1	32
Моли́тва	33
Тропарь, глас 4	34
Кондак, глас 6	35

Акафист Пресвятой Богородице в честь иконы Ее «Нечаянная Радость»

*Рекомендовано к публикации Издательским Советом Русской Православной Церкви (ИС
13-305-0382)*

Кондак 1

Избрáнной от всех родов Божией Матери и Царице, явившейся иногда к человéку беззакóнну, во éже отвратити его́ от путí нечестия, благодарственное пéние прино́сим Ти, Богородительнице; Ты же, я́ко иму́щая милосéрдие неизречéнное, от всяких нас бед и грехов свободи, да зовéм Ти:

Ра́дуйся, неча́янную ра́дость ве́рным да́рующая.

Икос 1

Ангели и праведных души удивѣшася, егда предста́ла еси́ предъ Сы́номъ Твои́мъ и Бо́гомъ и мно́гимъ мо́лениемъ ходата́йствовала еси́ о челове́це, прѣсно во гресѣхъ пребыва́ющемъ; мы же, очима́ вѣры толикое Твое́ благоутро́бие зря́ще, со уми́лениемъ взыва́емъ Ти́ си́це:

Ра́дуйся, моли́твы всехъ христиа́н прие́млющая; ра́дуйся, и са́мыхъ отча́янныхъ грѣшниковъ мо́ления не отверга́ющая.

Ра́дуйся, к Сы́ну Твоему́ о нихъ предста́тельствующая; ра́дуйся, неча́янную ра́дость спасе́ния имъ пода́ющая.

Ра́дуйся, предста́тельствомъ Твои́мъ весь миръ спаса́ющая; ра́дуйся, вся на́ша печа́ли уто́ляющая.

Ра́дуйся, Ма́ти всехъ Бо́га, озло́бленныхъ ду́ши утеша́ющая; ра́дуйся, жити́е на́ше до́бре устраи́вающая.

Ра́дуйся, избавле́ние от грехо́въ всемъ челове́комъ прине́сшая; ра́дуйся, Ра́дость все́му ми́ру роди́вшая.

Ра́дуйся, неча́янную ра́дость ве́рнымъ да́рующая.

Кондак 2

Видящи Пресвятая челове́ка, а́ще и беззако́нна, но на всяк день с ве́рою и упова́нием пред честно́ю Ея́ ико́ною до́лу поверга́ющагося и Арха́нгельское приве́тствие Ей принося́щаго, внят и такова́го грешника славосло́вию, да вси, зря́ще Ея́ Ма́тернее милосе́рдие, на Небеси́ и на земли́ вопи́ют Бо́гу: *Аллилу́иа*.

Икос 2

Разум человеческий воистину превосходит любовь Твоя к роду христианскому, яко и тогда не престала еси от ходатайства Твоего о человеце беззаконном, егда Сын Твой показá Тебѣ язвы гвоздѣныя, грехи человеческими Ему содеянныя. Зряще Тя толико неотступную Предстательницу за нас, грѣшных, со слезами вопиѣм Ти:

Радуйся, Заступнице усердная рода христианскаго, от Бога нам дарованная; радуйся, Путеводительнице наша, к Небесному Отечеству нас возводящая.

Радуйся, верных ограждение и прибежище; радуйся, помощи всех, призывающих имя Твое святое.

Радуйся, всеми презренных и отверженных от рова погибели исхищающая; радуйся, тех на путь правый обращающая.

Радуйся, непрестанное уныние и мрак душевный отгоняющая; радуйся, иждившим от недуга ум новый и лучший смысл подающая.

Радуйся, оставленных врачами на Своей всемошней руке приемлющая.

Радуйся, нечаянную радость верным дарующая.

Кондак 3

Сїла благода́ти преизобиловала та́мо, иде́же умно́жися грех; да ра́дуются на Небесі вси Ангели о еди́нем грѣшнице пока́явшемся, пою́ще пред Престо́лом Бо́жиим: *Аллилу́иа*.

Икос 3

Имущи к роду христианскому Матернее милосердие, всем с верою и упованием прибегающим к Тебе подавши руку помощи, Владычице, да вси единым сердцем и едиными усты славословие приносят Ти сицевое:

Радуйся, яко Тобою к нам нисходит Божие благоволение; радуйся, яко Тобою и мы имамы вящее к Богу дерзновение.

Радуйся, яко во всех бедах и обстояниях наших приносиши Сыну Твоему усердные о нас молитвы; радуйся, яко и наша молитвы приятными Богу соделываеши.

Радуйся, яко невидимых врагов от нас отгоняеши; радуйся, яко от видимых врагов нас избавляеши.

Радуйся, яко сердца злых человек умягчаеши; радуйся, яко от клеветы, досаждения и укорения нас изымаеши.

Радуйся, яко Тобою вся благая желания наша исполняются; радуйся, яко много может молитва Твоя пред Сыном Твоим и Богом.

Радуйся, нечаянную радость верным дарующая.

Кондак 4

Бўрю внутрь имѣя греховных помышлений, человек беззаконен моляшеся пред честною иконою Твоею и, видев Кровь от язв Предвѣчнаго Сына Твоего потоками, якоже на Крестѣ, текущую, падѣ от страха и с рыданием тако вопияше Ти: «Помилуй мя, о Мати милосердия, да не преодолеет злоба моя неизреченныя благи и милосердия Твоего, Ты бо еси всем грешником единая надежда и прибежище; преклонися ўбо на милость, Благая Мати, и умоли о мне Сына Твоего и Творца моего, да непрестанно зову Ему: Аллилуиа».

Икос 4

Слышавше небожители о чудеснем молитвами Твоими спасении их земнаго гибнущаго брата, прославиша Тя, благосердную Царицу Небес и земли; и мы, грешнии, сведавше таковое подобнаго нам грешника заступление, аще и недоумевает язык наш восхвалити Тя по достоинию, от глубины умиленного сердца нашего воспеваем Ти сице:

Радуйся, Споручнице спасения грешных; радуйся, Взыскание погибших.

Радуйся, Нечаянная грешных Радосте; радуйся, падших возстание.

Радуйся, Предстательнице к Богу, мир от бед спасающая; радуйся, яко гласа молитв Твоих беси трепещут.

Радуйся, яко Ангели сему радуются; радуйся, яко и нас, земнородных, сила молитв Твоих веселия исполняет.

Радуйся, яко теми от тины грехов нас изымаеши; радуйся, яко пламень страстей наших угашаеши.

Радуйся, нечаянную радость верным дарующая.

Кондак 5

Боготѣчную звезду, чудотворную икону Матере Твоея показал еси нам, Господи, ибо, взирающе на образ Ея телесными очима, умом и сердцем к Первообразней возвышаемся и Ею к Тебе востекаем, поюще: *Аллилуиа*.

Икос 5

Видевше Ангели Хранители христиа́н, яко Божия Ма́терь споспешеству́ет им в наставле́нии тех, заступле́нии и спасе́нии, потща́шася си́це возопи́ти Честне́йшей Херувим и Сла́внейшей без сравне́ния Серафим:

Ра́дуйся, с Сы́ном Твои́м и Бо́гом вечно ца́рствующая; ра́дуйся, Ему́ всегда́ о ро́де христиа́нством моле́ния принося́щая.

Ра́дуйся, в христиа́нстей ве́ре и благоче́стии Нача́внице; ра́дуйся, ересей и тлетво́рных раско́лов Искорени́тельнице.

Ра́дуйся, от растлева́ющих ду́шу и те́ло собла́знов сохраня́ющая; ра́дуйся, от опа́сных обстоя́ний и внеза́пных сме́рти без покая́ния и Свята́го Причаще́ния избавля́ющая.

Ра́дуйся, упова́ющим на Тя живота́ непосты́дный ко́нec да́рующая; ра́дуйся, и по сме́рти за отше́дшую на суд Госпо́день ду́шу пред Сы́ном Твои́м неотсту́пно ходата́йствующая.

Ра́дуйся, Твои́м Ма́терним предста́тельством от ве́чнаго муче́ния сию́ избавля́ющая.

Ра́дуйся, неча́янную ра́дость ве́рным да́рующая.

Кондак 6

Проповѣдник чѹднаго Твоегѡ милосѣрдія, дарованнаго нѣкому человеку беззакѡнну, явися святыи Димитрий Ростовскій, иже, списуя великая и славная, и изрядная дѣла Бѡжія, в Тебѣ явленная, предаде писъмени и сие дѣло милости Твоея в наученіе и утешеніе всем верным, да и тии, во гресѣх, бѣдах, скорбех и озлобленіих сущѣ, многажды на всяк день с верою в молитве пред образом Твоим колѣна преклоняют и, тех избывше, вопіют Бѡгу: *Аллилуіа*.

Икос 6

Возсия нам, яко пресвѣтлая заря, чудотворная икона Твоя, Богомати, прогоняя тьму бед и скорбей от всех, с любовью вопиющих Ти сице:

Радуйся, Целительнице наша в болезнях телесных; радуйся, Благая Утешительнице в печалех наших душевных.

Радуйся, скорбь нашу в радость претворяющая; радуйся, ненадеющихся несумненною надеждою возвеселяющая.

Радуйся, алчущих Питательнице; радуйся, нагих одеяние.

Радуйся, вдов Утешительнице; радуйся, безматерних сирот незримая Воспитательнице.

Радуйся, неправедно гонимых и обидимых Заступнице; радуйся, гонящих и обидящих правосудная отмстительнице.

Радуйся, нечаянную радость верным дарующая.

Кондак 7

Хотя Законодáвец Правосúдный Госпóдь Сам быти закóна Исполнítель и явítи милосéрдия Своегó бездну, преклонíся на усéрдное молéние Твое, Преблагословénная Мáти Дéво, о челове́це беззакóнне, глагóля: «Закóн повелева́ет, да сын чтит ма́терь. Аз Сын Твой, Ты же Мáти Моя: Аз Тя дóлжен чтítи, послу́шая Твоегó молéния; бóди у́бо, я́коже хóщеши: ны́не проща́ются ему́ греси́ Тебе́ ра́ди». Мы же, видя́ще такую́ю си́лу моли́твы Ходáтаицы нáшей о прощéнии согрешéний нáших, прослáвим милосéрдие и неизречénное благоутрóбие Ея́, зову́ще: *Аллилу́иа*.

Икос 7

Нóвое дíвное и слáвное знáмение всем вёрным явйся, яко не тóкмо Матери Твоей, но и пречíстому Ея лику, на дске изображённому, сйлу чудотворения даровáл еси́, Гóсподи; сему́ та́инству дивя́щеся, во умилéнии сердца́ вопи́ем к Ней таковáя:

Рáдуйся, премудрости и блáгости Бóжия откровéние; рáдуйся, вёры утверждéние.

Рáдуйся, благодáти явлéние; рáдуйся, душеполéзных знáний даровáние.

Рáдуйся, душеврédных учéний низложéние; рáдуйся, беззакóнных нáвыков нетрúдное преодоленéе.

Рáдуйся, слóво премудрости прося́щим дáрующая; рáдуйся, несмысленныя разу́мныя соделова́ющая.

Рáдуйся, дéтем, неудобь уча́щимся, разу́м подаю́щая; рáдуйся, юности благáя Охрани́тельнице и Настáвнице.

Рáдуйся, неча́янную рáдость вёрным дáрующая.

Кондак 8

Стрѣнное и ужасное видѣние бысть нѣкому чловеку беззаконну, показуя ему благасть Господню, предстательством Богоматере грехи его прощающую; сего ради оттоле, исправль свое житие, поживе богоугодне. Сие и мы, славная дела и многоразличную премудрость Божию в мире и жизни нашей видяще, устранимся земныя суеты и излишних житейских попечений и ум и сердце наше на Небеса возведем, поюще Богу: *Аллилуиа*.

Икос 8

Вся в вы́шних пребыва́ющи, и ни́жних ника́коже отступи́ла еси́, Преми́лосе́рдая Цари́це Небесе́ и земли́; а́ще бо по Успе́нии Твое́м и возо́шла еси́ на Небеса́ с Пречи́стою Твое́ю плоти́ю, оба́че и гре́шныя земли́ не оста́вила еси́, явля́ющися Прича́стница Промы́шления Сы́на Твоего́ о ро́де христиа́нством. Сего́ ра́ди Тя по до́лгу ублажа́ем:

Ра́дуйся, сия́нием пречи́стыя души́ Твоея́ всю зе́млю просвети́вшая; ра́дуйся, чистото́ю телесе́ Твоего́ вся Небеса́ возвесели́вшая.

Ра́дуйся, Промы́шления Сы́на Твоего́ о ро́де христиа́нством Свята́я Служите́льнице; ра́дуйся, о всем ми́ре усе́рдная Предста́тельница.

Ра́дуйся, всех нас при Кресте́ Сы́на Твоего́ усынови́вшая; ра́дуйся, всегда́ Ма́тернюю любоб́вь к нам явля́ющая.

Ра́дуйся, всех даро́в, духо́вных и телесных, незави́стная Пода́тельница; ра́дуйся, благ вре́менных Хода́таице.

Ра́дуйся, двéри Ца́рствия Христо́ва ве́рным отверза́ющая; ра́дуйся, и на земли́ чи́стаго весéлия серде́ц их исполня́ющая.

Ра́дуйся, неча́янную ра́дость ве́рным да́рующая.

Кондак 9

Всякое естество́ а́нгельское удиви́ся де́лу Твоего́ милосе́рдия, Го́споди, я́ко дарова́л еси́ толи́ко твердую и те́плую Засту́пницу и Помо́щницу ро́ду христиа́нскому, нам неvíдимо спре-
быва́юще, слы́шащу же Тебе́ пою́щих: *Аллилу́иа*.

Икос 9

Витии многовещаннии, но не богопросвещеннии, суесловят, яко поклонение святому образу аки бы поклонение идолу есть; не разумют бо, яко честь, святому образу воздаваемая, на Первообразная восходит. Мы же не токмо сия добре ведуще, но и от верных человек о многих чудотворениях от лика Богоматере слышаще, и сами поклонением ему потребная ко временней и вечней жизни приемлюще, с веселием Богородице взываем:

Радуйся, яко от священнаго лика Твоего чудеса деются; радуйся, яко утайся премудрость и благодать сия от мудрых и разумных века сего.

Радуйся, яко открыся та младенцем в вере; радуйся, яко прославляющих Тя прославляеши.

Радуйся, яко отвергающих Тя пред всеми посрамляеши; радуйся, яко от потопления, огня и меча, от смертоносных язв и от всякого зла прибегающих к Тебе избавляеши.

Радуйся, яко вся болезни человечести, душевные и телесные, милостивно врачуеши; радуйся, яко праведный гнев Божий на нас Твоим молением скоро утоляеши.

Радуйся, яко Ты еси тихое пристанище от бурь плавающим по морю житейскому; радуйся, яко и по конце житейского плаванья нашего надежно приводиши нас в необуреваемую страну Царствия Христова.

Радуйся, нечаянную радость верным дарующая.

Кондак 10

Спасти́ хотя́ челове́ка не́коего беззако́нна от заблужде́ния жи́зненнаго пути́ его́, дивное ви́де́ние от пречестны́я ико́ны Твоея́ показа́ла еси́ ему́, Преблагослове́нная, да, чу́до ви́дя, пока́ется и, из глубины́ грехо́вныя милосе́рдным промы́слением Твои́м воздвигну́тый, вопи́ет Бо́гу: *Аллилу́иа*.

Икос 10

Стенá еси́ девам, Богородице́ Де́во, и всем к Тебе́ притека́ющим, и́бо Небесé и земли́ Творéц, всели́выйся во утробу́ Твою́ и от Тебе́ роди́выйся, яви́ Тя, Присноде́ву, стра́жа де́вства, чистоты́ и целому́дря и сосу́д вся́кия добродéтели и всех возглаша́ти Тебе́ научи́:

Ра́дуйся, сто́лпе и огражде́ние де́вства; ра́дуйся, чистоты́ и целому́дря незри́мая Охра-
нительнице.

Ра́дуйся, добрая́ девам На́ста́внице; ра́дуйся, невест́ благáя Укра́сительнице и Спору́ч-
нице.

Ра́дуйся, всежелáнное соверше́ние благих́ супру́жеств; ра́дуйся, матерéй деторо́дящих
ско́рое разрешéние.

Ра́дуйся, младе́нцев воспита́ние и благода́тное охранéние; ра́дуйся, безча́дных роди́телей
плода́ми ве́ры и Ду́ха веселя́щая.

Ра́дуйся, матерéй скорбя́щих утеше́ние; ра́дуйся, та́йное весе́лие чи́стых дев и вдови́ц.

Ра́дуйся, неча́янную ра́дость ве́рным да́рующая.

Кондак 11

Пѣние всеумилѣнное приносяще Ти, недостѣйнии, про́сим Тебѣ, Дѣво Богорѣдице: не прѣзри гласа рабѣв Твоихъ, к Тебѣ бо в напѣстехъ и скорбехъ прибегаемъ и предъ Тобою в бѣдахъ нашихъ слѣзы проливаемъ, поюще: *Аллилу́иа*.

Икос 11

Светоподательную свещу, сущим во тьме греха и юдоли плача явившуюся, зрим Святую Деву; духовный бо огонь молитв Своих, наставления и утешения возжигаящи, приводит к Свету Невечернему всех, воззвании почитающих Ю сими:

Радуйся, Луче от Солнца Правды, Христа Бога нашего; радуйся, нечистую совесть просвещающая.

Радуйся, тайная и неудобь предвиденная вся добре ведущая и имже подобает сказующая; радуйся, лживых провидцев и суетная гадания посрамляющая.

Радуйся, в час недоумений мысль благу на сердце полагаящая; радуйся, в постѣ, молитве и богомыслии пребывающим присно спребывающая.

Радуйся, верных пастырей Церкви ободряющая и вразумляющая; радуйся, богобоязненных иноков и инокинь присное утешение.

Радуйся, кающихся пред Богом грешников непостыдная Заступнице; радуйся, всех христиан теплая Ходатаице.

Радуйся, нечаянную радость верным дарующая.

Кондак 12

Благода́ть Божѣственную испроси́ нам у Сы́на Твоего́ и Бо́га, прости́ нам ру́ку по́мощи, отжени́ от нас вся́кого врага́ и супоста́та, умири́ на́шу жизнь, да не поги́бнем лю́те, без пока́яния, но приими́ нас в вѣчныя крѣвы, Богороди́тельнице, да ра́дующеся поём Бо́гу, Тобо́ю нас спаса́ющему: *Аллилу́иа*.

Икос 12

Поюще неизреченное Матернее Твое милосердие к человеку беззаконну, восхваляем Тя вси, яко твердую Предстательницу за нас, грешных, и поклоняемся Тебе, о нас молящейся; веруем бо и уповаем, яко испросиши у Сына Твоего и Бога благая временная и вечная всем, с любовью вопиющим Ти сице:

Радуйся, всех наветов и искушений, от мира, плоти и диавола находящих, поправление; радуйся, нечаемое примирение ожесточенно враждующих.

Радуйся, неведомое исправление нераскаянных грешников; радуйся, изнемогающих от уныния и печали скорая Утешительнице.

Радуйся, благодатию смирения и терпения нас снабдевающая; радуйся, клятвопреступлений и неправедных стяжаний всенародное обличение.

Радуйся, от домашня брани и вражды единокровныя миром и любовью ограждающая; радуйся, от пагубных начинаний и несмысленных пожеланий нас незримо отвращающая.

Радуйся, во благих намерениях наших присная Споспешнице; радуйся, в час кончины всем нам Помощнице.

Радуйся, нечаянную радость верным дарующая.

Кондак 13

О Всепётая Мати, Невместимаго Бѣга во чрѣве вмѣстившая и Радость всему міру родившая! Нынешнее приими пѣние, вся наша печали на радость преложѣи и от всякия избави напасти всех и будущія изми муки, о Тебѣ вопиющих: *Аллилуѣа*.

Этот кондак читается трижды.

Икос 1

Ангели и праведных души удивѣшася, егда предста́ла еси́ предъ Сы́номъ Твои́мъ и Бо́гомъ и мно́гимъ мо́лениемъ ходата́йствовала еси́ о челове́це, прѣсно во гресѣхъ пребыва́ющемъ; мы же, очима́ вѣры толикое Твое́ благоутро́бие зря́ще, со уми́лениемъ взыва́емъ Ти си́це:

Ра́дуйся, моли́твы всехъ христиа́н прие́млющая; ра́дуйся, и са́мыхъ отча́янныхъ грѣшниковъ мо́ления не отверга́ющая.

Ра́дуйся, к Сы́ну Твоему́ о нихъ предста́тельствующая; ра́дуйся, неча́янную ра́дость спасе́ния имъ пода́ющая.

Ра́дуйся, предста́тельствомъ Твои́мъ весь миръ спаса́ющая; ра́дуйся, вся на́ша печа́ли уто́ляющая.

Ра́дуйся, Ма́ти всехъ Бо́га, озло́бленныхъ ду́ши утеша́ющая; ра́дуйся, жити́е на́ше до́бре устраи́вающая.

Ра́дуйся, избавле́ние от грехо́въ всемъ челове́комъ прине́сшая; ра́дуйся, Ра́дость все́му ми́ру роди́вшая.

Ра́дуйся, неча́янную ра́дость ве́рнымъ да́рующая.

Кондак 1

Избрáнной от всех родов Божией Матери и Царице, явившейся иногда к человéку беззакóнну, во éже отвратити его́ от путí нечестия, благодарственное пéние прино́сим Ти, Богородительнице; Ты же, яко иму́щая милосéрдие неизречénное, от всяких нас бед и грехов свободи, да зовéм Ти:

Рáдуйся, неча́янную рáдость вéрным да́рующая.

Моли́тва

О Пресвята́я Де́во, Всеблага́го Сы́на Ма́ти Всеблага́я, гра́да Москвѣ Покрови́тельнице, всех су́щих во гресе́х, ско́рбех, беда́х и боле́знях Ве́рная Предста́тельница и Засту́пнице! Приими́ моле́бное пе́ние сие́ от нас, недостойных раб Твои́х, Тебе́ возносимо́е, и я́коже дре́вле грешника, на всяк день мно́гажды пред честно́ю ико́ною Твое́ю моли́вшася, не презре́ла еси́, но дарова́ла еси́ ему́ неча́йную ра́дость покая́ния и преклони́ла еси́ Сы́на Твоего́ мно́гим и усер́дным к Нему́ хода́тайством ко прощени́ю сего́ грешнаго и заблуждша́гося, та́ко и ны́не не презри́ моления́ нас, недостойных рабо́в Твои́х, и умоли́ Сы́на Твоего́ и Бо́га на́шего, да и всем нам, с ве́рою и умиле́нием покланя́ющимся пред цельбоно́сным обра́зом Твои́м, да́рует неча́йную по коего́ждо потре́бе ра́дость: грешником, погрязшим во глубине́ зол и страсте́й, – вседе́йственное вразумле́ние, покая́ние и спасе́ние; су́щим в ско́рбех и печа́лех – утеше́ние; обре́тающимися в беда́х и озлобле́ниях – соверше́нное сих избы́тие; малоду́шным и ненаде́жным – наде́жду и терпе́ние; в ра́дости и избы́лии живу́щим – непреста́нное Благоде́телю Бо́гу благода́ре́ние; бе́дствующим – милосе́рдие; су́щим в боле́зни и долгонеду́жии и оста́вленным врача́ми – неча́емое исцеле́ние и укрепле́ние; иждившим от недуга́ ум – ума́ возвраще́ние и обновле́ние; отходя́щим в ве́чную и несконча́емую жизнь – па́мьять сме́ртную, умиле́ние и сокруше́ние о гресе́х, дух бодр и твердую на милосе́рдие Судии́ наде́жду. О Госпоже́ Пресвята́я! Умилосе́рдися ко всем, чту́щим всечестно́е и́мя Твое́, и всем яви́ всемо́щный покрóв Твой и заступле́ние; во благо́честии, чистоте́ и честне́м жител́стве пребыва́ющия до послéдняго их сконча́ния во бла́гости соблюди́; злы́я бла́ги сотвори́; заблуждши́я на путь пра́вый наста́ви; вся́кому де́лу благо́му и Сы́ну Твоему́ уго́дному споспешеству́й; вся́кое де́ло зло́е и богопроти́вное разруши́; в недоуме́нии и трудо́ных и опа́сных обстоя́ниях обре́тающимся незри́мую по́мощь и вразумле́ние с Небесе́ низпосли́; от искуше́ний, собла́знов и поги́бели спаси́; от всех злых челове́к и от враго́в ви́димых и неви́димых защити́ и сохрани́; пла́вающим сплávaй; путеше́ствующим спутеше́ствуй; су́щим в нужде́ и гла́де бу́ди Пита́тельница; неиму́щим крóва и приста́нища бу́ди покрóв и прибе́жище; наги́м пода́ждь одея́ние; оби́димым и непра́ведно гонимым – заступле́ние; клевету́, поноше́ние и хуле́ние терпе́ющия незри́мо оправда́й; клеветни́ки и хули́тели пред все́ми обли́чи; ожесточе́нно вражду́ющим неча́емое пода́ждь примире́ние, и всем нам друг ко дру́гу любо́вь, мир и благо́честие и здра́вие с долгоден́ствием. Супру́жества в любви́ и единомы́слии сохрани́; супру́ги, во вражде́ и разделе́нии су́щия, умири́, соедини́ я друг ко дру́гу и положи́ им сою́з любве́ неразруши́мый; ма́терем, де́ти родя́щим, ско́рое пода́ждь разре́шение; младе́нцы воспита́й; ю́ныя уцелому́дри, отве́рзи им ум к восприя́тию вся́кого поле́знаго уче́ния, стра́ху Бо́жию, воздержа́нию и трудолю́бию наста́ви; от дома́шния бра́ни и вражды́ единокрóвных ми́ром и любóвию оградí. Безма́терних сирóт бу́ди Ма́терь, от вся́кого поро́ка и скве́рны отврати́ я и все́му благо́му и Богоуго́дному научи́, прельще́нныя же и во грех и нечистоту́ па́дшия, скве́рну греха́ отъя́вши, из бе́здна поги́бели изведи́. Вдов бу́ди Уте́шительница и Помо́шница, ста́рости бу́ди жезл, от внеза́пныя сме́рти без покая́ния всех нас изба́ви, и всем нам христиа́нскую кончи́ну живота́ на́шего, безболе́зненну, непосты́дну, ми́рну и до́брый отве́т на стра́шнем Судии́щи Христо́ве да́руй. Преста́вльши́яся в ве́ре и покая́нии от жития́ сего́ со Ангелы́ и все́ми святы́ми жи́ти сотвори́, сконча́вшимся внеза́пною сме́ртию ми́лостива быти Сы́на Твоего́ умоли́, и о всех усо́пших, и́же не имут сродни́ков, о упоко́ении их Сы́на Твоего́ умоля́ющих, Сама́ бу́ди непреста́нная и те́плая Моли́твенница и Хода́таица, да вси на Небеси́ и на земли́ ве́дят Тя, я́ко тве́рдую и непосты́дную Предста́тельницу ро́да христиа́нского, и, ве́дуще, сла́вят Тя и Тобо́ю Сы́на Твоего́, со Безнача́льным Его́ Отце́м и Единосу́щным Его́ Ду́хом, ны́не и при́сно и во ве́ки веко́в. Ами́нь.

Тропарь, глас 4

Днесъ, вѣрнии людіе, духовно торжествуемъ, прославляюще Застѣпницу усѣрдную рѣда христіанскаго, и притекающе к пречистому Ея образу, взываемъ сѣце: о премилостивая Владычице Богородице, подаждь намъ нечаянную радость, обременѣннымъ грехи и скорбями многими, и избави насъ отъ всякаго зла, молящи Сына Твоего, Христа Бога нашего, спасти души наша.

Кондак, глас 6

Не и́мамы и́ныя по́мощи, не и́мамы и́ныя наде́жды, ра́зве Тебе́, Влады́чице: Ты нам помози́, на Тебе́ наде́емся и Тобо́ю хва́лимся, Твой бо есмы раби́, да не постыди́мся.